

كل مرة

كل مرة فيها ادوسك
لاجل ما اطلع فلوسك
رغم انك انتى امى
فرض ليكى انى ابوسك
تلعننى منى لظنونى
العن الايام ف سوسك
تستخبنى منى بره
اختفى مايبين تروسك
واما احس ان انتى ضلمة
نفسى لو اولع فانوسك
مرة كابسة منى حلمى
مرة احب احلم كابوسك
حبة كارهة ليه ناموسى
حبة كارهلك ناموسك
حبة ليه استعطى منك

حبة احلبك جاموسك
منى ليه رافضة لطقوسى
ليا ليه فارضة لطقوسك
ليه تشوهى توبى دايم
ليه ابطع توب عروسك
ليه ماهماكى المعانى
ليه اعانى بين نصوصك
واما اخلع ضررس منك
تطحننى بين ضرروسك
مصر عودى ميه ميه
عرفينا ايه دروسك